

## Tidak perlu beli secara berlebihan

Mac 23, 2020 Ditulis oleh Media Baharu



**PUTRAJAYA, 23 Mac** - Bekalan makanan dan keperluan lain di pasar raya mencukupi.

Itu jaminan Menteri Perdagangan Dalam Negeri dan Hal Ehwal Pengguna (KPDNHEP), Datuk Alexander Nanta Linggi hasil tinjauan beliau di beberapa pasar raya di ibu negara dan Putrajaya.

Pemantauan dijalankan berikutan rungutan sesetengah pihak terhadap pembelian panik di pasar raya seluruh negara yang dipandang serius pihak kementerian.

Bimbang terputus bekalan makanan ekoran penguatkuasaan Perintah Larangan Pergerakan sehingga 31 Mac ini, tidak boleh lagi dijadikan alasan untuk melakukan pembelian berlebihan.

Hasil tinjauan Datuk Alexander menunjukkan stok makanan seperti ayam, gula, minyak, makanan dalam tin serta bekalan lampin pakai buang bayi di pasar raya mencukupi untuk semua orang.

Datuk Alexander akui meskipun terdapat sedikit peningkatan pembelian di kawasan Putrajaya dan Kuala Lumpur pada hari kelima Perintah Kawalan Pergerakan, ia belum sampai ke tahap merisaukan.

Menyentuh isu kekurangan penutup mulut dan hidung, beliau berharap penjual patuh arahan yang ditetapkan.

<https://berita.rtm.gov.my/index.php/nasional/16806-tidak-perlu-beli-secara-berlebihan>